



Inatsisartunut ilaasortaq Akitsinnguaq Olsen

§ 37-kkut apeqquteqaatinut akissutit.

Asasara Akitsinnguaq Olsen

Inatsisartut suleriaasianni § 37, imm. 1 naapertorlugu Naalakkersuisunut apeqquteqaatinik makkuninnga saqqummiussisimavutit:

16.marts 2012
Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Naalakkersuisunut apeqqutit:

1. Naalakkersuisut ulloq suna allakkatigut Udenrigsministeriet Danmark-imut kiisalu ILO-mut saaffiginnippa, paasiniallugu Kalaallit Nunaat ILO 94-imut ilaatinneqarnersoq, allakkut suut nassiunneqarpat Udenrigsministeriet Danmark-imut kiisalu ILO-mut, qaqugulu Naalakkersuisut akissutinik tigusaqarnissartik naatsorsuutigivaat?
2. Kalaallit Nunaat ILO 94-mut ilaatinneqartoq paasineqassappat, Naalakkersuisut iliuusissanik qanoq ittunik piareersaateqarpat?

Apeqquut 1-mut.

Sammisaq taanna pillugu § 37-kkut apeqquteqaatinut siusinnerusukkut aallakkatigut 25. januaari 2012-meersutigut akissutinni ilaatigut oqaatigaara Naalakkersuisut Nunanut allanut ministereqarfimmit tamanna pillugu nalunaarusiamik suli utaqqisut, taamaattumilulu ILO-mit isumaqatigiissut nr. 94 Kalaallit Nunaanni atorineqarsinnaanersoq maannakorpiaq tunngaviusullu tunngavigalugit tamakkiisumik paasinarsarneqarsimasutut isigineqarsinnaanngilaq.

Kingorna Nunanut Allanut ministereqarfimmut ulloq 17. februar 2012 saaffiginnittoqarpoq ullorlu taanna Nunanut Allanut ministereqarfik mailikkut akissuteqarpoq.

"ILO-p ullumimut nalunaarusiaq suli pissarsiarisimangilaa. Piffissami utaqqininni Rig-sarkivimi suliassap takussutissartai pisoqqat 1972 tikillugu piniarsimavakka atuarlugillu, tamatuma qularunnaarsiinnarpaanga Kalaallit-nunaat, tamanna takuneqarsinnaavoq Lovtidende C-mi atuutsisilersarnermut atorutitigut nalunaarutitigullu, K94-mi ilaasoq. Taamaattorli pineqartumut Nunanut Allanut ministereqarfik oqartussaannngilaq - tassaalunili Suliffeqarnermut ministereqarfik (Beskæftigelsesministeriet)."

Suliami matumani Naalakkersuisut ILO-llu akornani toqqaannartumik attaveqatigiittoqarsimangilaq. Attaveqarnek taanna Nunanut Allanut ministereqarfimmit suliarineqarpoq.

Suliffeqarnermut ministereqarfirmut oktobarimi 2011-mi saaffiginninnermut malitseqar-titsissutitut ulloq 20. februaari 2012-mi nutaamik apeqquteqartoqaqqippoq ILO-mi isu-maqatigiissummut nr. 94-mut Kalaallit Nunaat ilaanersaq ministereqarfiup erseqqarinne-rusumik paasinarsarnerusimaneraa.

Suliffeqarnermut ministereqarfiup 21. februaari 2012-meersumi akissutaani ilaatigut makkua takuneqarsinnaapput:

"ILO-mi isumaqatigiissummut nr. 94-mut – aamma isumaqatigiissutinut allanut Kalaallit Nunaat ilaanersaq pillugu misissuineq - suli ingerlavoq sulinerlu kinguarsarneqarpoq, allakkat uppersaataasut, suli amut paasissutissiinnaasut Rigsarkivimiimmata, alla-gaateqarfinni toqqorsivinniimmata aamma ILO-p allagaateqarfiiniimmata.

Nunanut Allanut ministereqarfiup paasissutissiinera malillugu, Lovtidende C-mi aallaq-qaataannit atuutsilersarnermut allakkatigut uppersaataasutigit nalunaarutigullu takuneqarsinnaavoq, ILO-mi isumaqatigiissummut nr. 94-mut Kalaallit Nunaat ilaasoq. Taamaattorli suliaq paasinarsarneruniarlugu Nunanut Allanut ministereqarfiup ILO qin-nuigaa, isumaqatigiissutit atuutsilersinnerata kingorna nalunaaruteqarnermi siullermi paasissutissiissutigeqqullugu, tassani danskit naalakkersuisuisa Kalaallit Nunaat isuma-qatigiissutit atornerqarneranut ilaatissimanginneraat."

Apeqqut 2-mut.

Sanaartornermik suliaqarnermut, namminersorlutik suliffeqarfinit sularineqareersunut imaluunniit pisortat akuersissuteqarnerannut atatillugu, soorlu pilersuinnermi suliffeqar-fimmut akuersissummik pisimasumut, aamma akuersissut tunuliaqutaralugu sanaartor-nermut suliaqartumut Isumaqatigiissutit atorneranut tunngasut pillugit apeqqut sammi-niaqqullugu Suliffeqarnermut ministereqarfik qinnuigineqarpoq.

Tassunga suliffeqarnermut ministereqarfik ulloq 21. februaari 2012-mi makkuninnga paasissutissiivoq:

"oqaatigineqarsinnaavoq kaajallaasitami nr. nr. 115, 27. juuni 1990-meersumi takune-qarsinnaammat, isumaqatigiissutit qitiusumit pisortaniinngitsoq allanit, matumani ilan-ngullugit naalagaaffiup suliffeqarfiutai, suliffeqarfiit atorfeqarfiillu il.il. akuersissutaatillit isumaqatigiissuteqarfigineqarneranni isumaqatigiissutit qanoq annertutigisumik qanorlu atornerqarnerannut ministereqarfik sunaluunniit aalajangiinissamut pisussaasoq.

Pisortat akuersissutaanni sulinerlutik piumasaqaatit soorlu sanaartornermik suliaqar-nermut atornerqassanersut takuneqarsinnaanngippat, sanaartornermi sulinermit pineqar-tumi isumaqatigiissutit malillugu sulinerlutik piumasaqaatit atornerqassanersut piumasa-qaataanngilaq."


Isumaqatigiissutit naapertorlugu tunngaviginiarneqarsinnaavoq - iluarsartuullugu pilersaa-rusiami, tamakkiisumik namminersortumit peqataasumit annertuumik akuersissut ima-luunniit aatsitassarsiornissamut akuersissutit malillugu sularineqarpat sulinerlutik piuma-saqaatit atornerqamissaat pinngitsoorani piumasaqaataanngilaq.

Akerlianilli tamanna atuunnavianngilaq, namminersorlutik oqartussat namminneq anner-tuumik iluarsartuullugu pilersaarusiameq aningaasaliippata taamaalillunilu - toqqaannar-tumik toqqaannanngitsumilluunniit – iluarsartuullugu pilersaarusiameq peqataallutik. Tassannga aalajangiivinnermi isumaqatigiissummik erseqqarinnerusumik nassuiaaneq

apeqqutaassaaq, matumani isumaqatigiissut malillugu tassungalu tunngatillugu namminersorlutik oqartussat isumaqatigiissummut toqqaannartumik ilaanersut pisussaaffeqarnersullu.

Manna tikillugu suliaq ingerlaavartumik nangittumik malittarissavara Kalaallit Nunaat isumaqatigiissummut ilaanersooq ilaannginnersorluunniit paasinarsilluarnissaa siunertaralugu taamaassappallu isumaqatigiissut malillugu namminersorlutik oqartussat toqqaannartumik ilaanersut pisussaaffeqarnersullu. Apeqqutit taakkua paasinarsippata siul-lerpaamik pingaaruteqassaaq iluarsartuullugu pilersaarussianut annertuunut tunngatillugu namminersorlutik oqartussat namminneq toqqaannartumik qanoq ilillutik aningaasaliis-suteqassanersut aamma ilanngutissanersut.

Inussiarnersumik inuulluaqqusillunga
Inuussutissarsiornermut Suliffeqarnermullu Naalakkersuisoq



Ove Karl Berthelsen